



Il mas-chalch da Sent

www.sent-online.ch sent@engadin.com favrer 2016

MAS-CHALCH

Infuormaziun a regard il Mas-chalch da Sent

- Cumpara tanter ils 20 e 25 da mincha mais.
- Ils texts ston gnir tramiss o dats giò fin ils 15 dal mais i'l büro da Sent Turissem sent@engadin.com.
- Il mas-chalch dess gnir pichà oura e distribui in lös publics. El po gnir retrat in seguaints lös: büro da turissem, butia da Plaz, furnaria Benderer, bacharia Zanetti, furnaria Clalüna, grotta da cultura e butia Schlerin Caè creativ.
- Ils texts ston esser scrits in rumantsch (ev. rumantsch e tudais-ch) e nu das-chan esser massa lungs.
- Per societats sun las publicaziuns gratuitas, per privats cuosta frs. 20.-.
- Ils texts pel Mas-chalch vegnan ramassats i'l büro da Sent Turissem. Scha pussibel giavüschaina texts in fuorma digitala.

ARRANDSCHAMAINTS

Societats chi vöglan publicar arrandschamaints han seguaintas pussibilitats:

- a) Mas-chalch da Sent : tenor infuormaziuns sülla prüma pagina
- b) Pagina dad internet www.sent-online.ch: annunzchas per mail a Cla Rauch, cla.rauch@bluewin.ch
- c) Chalender d'arrandschamaints da la destinaziun turistica:
www.engadin.com => Events => Veranstaltung erfassen
Quellas occurrenzas vegnan publicadas eir ill'Allegra, schi sun annunzchadas avant il termin da la fin da redacziun da l'Allegra.

CULTS DIVINS REFUORMATS

20 marz (Dumengia da las palmas), 10.00: CONFIRMAZIUN (r):

Confirmands e confirmandas sun *Corsin Zini, Corsina Stricker, Cristina Minestrini, Dario Schmidt, David Nogger, Laura Salomon, Linard Zürcher, Seraina Zanetti.*

24 marz (Gövgia Soncha), 20.15

devoziun da la saira cun Soncha Tschaina (r+d).

25 marz (Venderdi Sonch), 10.00

cult divin da Venderdi Sonch (d).

27 marz (Pasqua), 10.00

cult divin da Pasqua cun Soncha Tschaina (r).

PER NOSSAS SENIORAS / PER NOSS SENIORS

Excursiun sün la Motta Naluns cun giantar cumünaivel i'l restorant la Motta

Mardi, als 15 marz 2016

Partenza: 11.12 davent da Plaz

Infuormaziun ed annunzcha a la Corporaziun evangelica ed a la Pro Senectute: Fina Zanetti, tel. 081 864 95 26 e Chatrina Ritzmann, tel. 081 864 93 59

Adüna il **lündeschdi, a las 14.00 in Chasa Misoch**: Gimnastica per las duonnas, Pro Senectute, manadra Elisabeth Poo, tel. 081 864 18 20

Adüna il **marcurdi a las 14.00 in Chasa Misoch** : Società da duonnas,

Infuormaziun: Dorathea Stupan, tel. 081 864 04 75

CHALANDAMARZ SENT

Urari dal cortegi official

Crusch ca.	07.00 h (be scolars da 5-9avla)
Sur En (camping) ca.	07.30 h (be scolars da 5-9avla)
Sur En (cumün) ca.	07.45 h (be scolars da 5-9avla)
Sent (Avant Baselgia)	08.50 h (tuot ils scolars)
Schigliana ca.	09.30 h (tuot ils scolars + scoulina)
Chascharia ca.	11.30 h (tuot ils scolars)

Traget: **Avant Baselgia** - Bügliet - Sala - Stron - Surataglia - Vidos - **Schigliana** - Archas sura - Archas - Schigliana (cun marena) - Bügl süt - Curtin sura - Curtin - Plazzetta - Saglina - Foura da Büz - Chasellas - Plaz – **Chascharia**

Bal da pitschens: 14.00 h – 18.00 h e 20.00 h – 24.00 h

la scoula

GROTTA DA CULTURA – occurrenzaz marz 2016

(infuormaziuns detagliadas i'l Allegra e suot <http://www.sent-online.ch/arrandschamaints/index.html>)

sonda 5 marz, 17:00 (Piertan, 10.-/5.-)*

Die dumme Augustine – Teater da poppas per uffants e creschüts, cun **Marianne Amstutz** e las **Tösstaler Marionetten** <http://www.toesstaler-marionetten.ch/>

venderdi, 18 marz, 20:15 (Piertan, 25.-)*

Die Entdeckung der Curry-Wurst – solo-teater cun **Jaap Achterberg**, tenor la novella da Uwe Timm. www.achterberg.ch/

*(is po reservar plazzas il di avant da las 17 fin las 19, tel. 079 439 89 22)

SOCIETÀ D'ÜTIL PUBLIC – concerts illa baselgia da Sent

dumengia, 28 favrer 2016, 17 h, 20.-, baselgia Sent

L'OPERA INEDITA DA JOHANN SEBASTIAN BACH

Perche nun ha Bach scrit ingünas operas? Davart quista dumonda discuorra Iso Camartin cun Rudolf Lutz chi'd es ün grond cugnuschidur da las ouvras da Bach. Co vess tunà ün'opera cumponüda da Bach? Iso Camartin skizzescha ün libretto e Rudolf Lutz declera al clavazin ed a l'orgel, co cha quist' opera pudess tunar.

dumengia, 6 marz 2016, 17h, 20.-, baselgia Sent

CONCERT DAL TEMP DA PASCHIUN CUN OUVRAS DA MOZART E BACH
cul pianist Hristo Kazakov da la Bulgaria

dumengia, 13 marz 2016, 17h, 20.-, baselgia Sent

CONCERT PER CHANT, FLÖTA ED ORGEL

Simone Stock, sopran / Klaus Durrer, flöta / Alois Koch, orgel
ouvras da J. S. Bach, Leonard Bernstein e Max Reger

venderdi, 25 marz 2016, 17h, 20.-, baselgia Sent

CONCERT PEL VENDERDI SONCH

Christine Ragaz, violina e Gertrud Schneider, clavazin
cumposiziuns da Jürg Brüesch (1957 - 1988), Franz Schubert e David Sontòn Cafilisch

PREAVIS

La radunanza da la Società d'Ütil public ha lö als 30 da marz. Invids e detagls seguan.

Vandalissem pro'l post d'infuormaziun a Sala

Daspö ün pèr eivnas han las collavuraturas dal büro da Turissem Sent ed ils respunsabels dal cumün stuvü constattar, cha pro'l post d'infuormaziun a Sala sun gnüdas devastadas parts da l'infrastructura. Il cumün appelescha dad interlaschar tals malfats.

Turissem Sent
cumün da Scuol

L'istorgia da l'Uorsin e dal Chalandamarz cun prunas da surpraisas

Lündeschdi, ils 29 favrer 2016, a las 20.30 in chasa Misocho
Referat cun quiz da Chasper Pult, Pasqual/Sent



Tuots chi cugnoscian l'Uorsin, impustüt davo chi'd es gnü fat il film. Ma perche es quist cudesch d'uffants rumantsch cuntschaint in tuot il muond? Co s'han chattats l'autura ladina Selina Chönz e'l pittur sursilvan Alois Carigiet? Perche haja dürà tschinch ons per til far? Co han ils traducturs tradüt la bratschadella düra cha Uorsin mangia in chamonna?

La saira avant Chalandamarz laina eir savair ün pa daplü sur da quista üsanza. Chi sa ch'ün paur da Sent ha s-chellà cun la prüma plumpa gronda in Engiadina Bassa?

I seguirà üna marendina ed i vain fat üna collecta.


Cordialmaing invida l'Ütil Public Sent

Chi es stat Alberto Giacometti?

In üna baderlada in rumantsch cun Chasper Pult pels Sentiners gnina a savair daplü e fain ün eviva sün l'artist bergiagliot:

Referat in rumantsch da Chasper Pult, venderdi 4 marz 2016, a las 20.00 h,



Co esa stat pussibel cha'l figl dal cuntschaint pittur Giovanni Giacometti ha fat üna carriera amo plü gronda co seis bap? La sculptura cha nus vezzain sün la bancanota da tschient francs es gnüda vendüda per passa 100 milliuns. Che dschess Alberto da quai, el chi nu savaiva ir intuorn cun raps? Perche è'l tuornà adüna darcheu in Bergiaglia, eir sch'el vivaiva e lavuraiva a Paris? E perche ingrazchaina a seis frar Diego üna gronda part da las sculpturas?




In occasiun dals 50 ons daspö sia mort a Cuoiras spordscha l'hotelier Carlos Gross als indigens quist'ocasiun da gnir a cugnosccher meglder a l'artist da renom mundial. Il museum aint il schler da la pensiun Aldier cuntogna var 100 ovras graficas, in tuot la chasa pendan fotografias dad Alberto e perfin alch ovras da Diego. Chi dals Sentiners cugnosccha quist s-chazi chi attira visitas da tuot las varts? Chasper Pult farà a savair in möd divertent üna pruna da quist Bergiagliot chi'd es i pel muond sainza far il pastizier! Nu manchatarai quist'ocasiun!

Nouvs cudeschs e films in nossa biblioteca cumünala
Üna pitschna schelta da nossa nouva sporta

per creschüts ...



per juvenils ...



Uras d'avertüra: lündeschdi
giövgia
sonda

16.30-17.30
19.00-20.00
16.30-17.30

inviern 2015/16